



ИНФРАҚҰРЫЛЫМДЫ ЖАҚСАРТУҒА МӘН БЕРУ КЕРЕК

Мемлекет басшысы Шығыс Қазақстан облысының әкімі Нұрымбет Сақтағановты қабылдады.

Президентке өңірдің әлеуметтік-экономикалық дамуы және бұған дейін берілген тапсырмаларының орындалуы барысы баяндалды. Облыс әкімі өткен жылдың қорытындысы бойынша негізгі салаларға тартылған инвестиция мен өндіріс көлемінің өскенін атап өтті. Жалпы көлемі 400 мың шаршы метрден астам тұрғын үй пайдалануға беріліп, 46 жаңа өндіріс орны іске қосылған.

Қасым-Жомарт Тоқаевқа шағын және орта бизнесті қолдау шаралары, инфрақұрылымды жаңғырту, жана әлеуметтік нысандар салу жайында ақпарат берілді. Нұрымбет Сақтағановтың айтуынша, туризм, цифрландыру салаларын, көлік-логистика секторы мен агроөнеркәсіп кешенін дамытуға баса назар аударылады.

«Ауылдық денсаулық сақтауды жаңғырту» ұлттық жобасы аясында 18 нысан салынып, 6 медициналық мекемеге күрделі жөндеу жүргізілді. «Жайлы мектеп» ұлттық жобасы бойынша 5 білім ошағы пайдалануға берілді. Оқушы орындарының тапшылығын азайту үшін 7 мектеп бой көтереді.

Мемлекет басшысына Жұмысшы мамандықтары жылына орай кәсіпорындардың сұранысы

негізінде құрылыс, ауыл шаруашылығы, авиация, энергетика және су көлігі салалары бойынша жана білім беру бағдарламалары ашылатыны жөнінде айтылды. Еңбеккерлерді қолдау мақсатында «Отбасы банкімен» бірлесіп, өңірлік «Шығыс маманы» жеңілдетілген ипотекалық бағдарламасы іске қосылды.

Облыс әкімі өңір тұрғындарын толығымен таза ауызсумен қамтамасыз ету жөніндегі міндет жыл соңына дейін орындалатынын жеткізді. Бұл бағытта құны 14 миллиард теңге болатын 8 жоба жүзеге асырылады.

Алдағы екі жылда өңірге кемінде 1,5 триллион теңге инвестиция тарту, 700 мың шаршы метрден астам тұрғын үй және 28 әлеуметтік нысан салу, сондай-ақ ұзындығы 600 шақырымнан астам жолды жөндеу жоспарланып отыр.

Президент облыс экономикасын әртараптан-дыру, қайта өңделген өнім экспортын кеңейту және инвестиция тарту жұмыстарын күшейтуді тапсырды. Қасым-Жомарт Тоқаев өңірдегі экологиялық мәселелерді шешу және көлік инфрақұрылымын жақсартуға баса мән беру керек екеніне тоқталды.



ӨҢІР ӘЛЕУЕТІН ДАМУҒА МАҢЫЗДЫ

Мемлекет басшысы Ұлытау облысының әкімі Дастан Рыспековті қабылдады.

Президентке облыстың әлеуметтік-экономикалық дамуының қорытындылары туралы есеп беріліп, алдағы кезеңге арналған жоспары таныстырылды.

Қасым-Жомарт Тоқаев өткен жылы өнеркәсіп өндірісі 8 пайызға, құрылыс жұмыстарының көлемі 28 пайызға және тұрғын үйді пайдалануға беру көрсеткіші 30 пайызға өскені жөнінде баяндалды.

Облыс әкімінің айтуынша, былтыр өңірге 226 миллиард теңгеден астам инвестиция тартылған. Оның 89 пайызы – жеке инвестиция. Жалпы сомасы 940 миллиард теңге болатын инвестициялық пул жасакталды. Биыл құны 138 миллиард теңгені құрайтын 17 жобаны іске асыру жоспарланып отыр. Бұл орайда құрылыс, сауда, логистика, энергияның балама көздері және туризм салалары

инвестиция тартуға айтарлықтай тартымды деп танылған.

Мемлекет басшысына жылыту маусымының барысы және «Таза Қазақстан» экологиялық акциясын өткізу жайында мәлімет берілді.

Президентке қатерлі өндіріс орындарында еңбек ететін азаматтардың қауіпсіздігін сақтау бағытында бұған дейін берген тапсырмасына сай атқарылып жатқан жұмыстар туралы баяндалды. Тиісті шараларды әкімдік Үкіметпен бірлесіп жүргізуде. Дастан Рыспеков «Қазақмыс» корпорациясының кенішінде таяуда болған апат салдарынан қаза тапқан шахтерлердің отбасыларына қандай көмек көрсетіліп жатқанын айтты.

Қасым-Жомарт Тоқаев бизнестің әлеуметтік жауапкершілігін арттыру үшін жер қойнауын пайдаланушы ірі компаниялармен жұмысты жалғастырудың маңызды екенін атап өтті.

Облыс әкіміне көлік-логистика әлеуетін арттыру, инфрақұрылымды жаңғырту, сапалы медициналық қызмет көрсету, халықты таза ауызсумен қамтамасыз ету және экологиялық мәселелерді шешу жөнінде тапсырма берілді.

ЕКПЕ ТУРАЛЫ АҢЫЗ БЕН АҚИҚАТ

Әлеуметтік желіні ашып қалсаңыз ауырған балалардың еміне қаржы жинаған паракшаның жарнамасынан көз сүрінеді. Бір қызығы, көбі аурудың «екпеден кейін» пайда болғанын жазыпты. Мұны естіген ата-аналар баласына вакцина салдыруға қарсы шығып, тіпті петиция да жариялады. Себебі екпе балаларға аутизм, даун, ДЦП диагноздарын жұқтырады екен-мыс. Бұл қаншалықты шындық? Дүниежүзілік денсаулық сақтау ұйымы қандай пікірде?



→ 6

ЖАРҚЫН ИДЕЯЛАР НЕГЕ? ЖАБЫҚ

Елімізде ғылымды коммерцияландыру процесі соңғы жылдары айтарлықтай назарға алынуда. Бұл үрдіс отандық ғылымның сапалы дамуына жол ашумен қатар, елдің инновациялық әлеуетін арттыру және экономиканың бәсекеге қабілеттілігін қамтамасыз ету үшін де аса маңызды. Дегенмен ғылыми зерттеулердің нәтижелерін нарыққа шығару ісінде әлі де бірқатар кедергі бары анық.

→ 5



ИНВЕСТИЦИЯ – ЭКОНОМИКАЛЫҚ ӨСІМНІҢ ӨЗЕГІ

Соңғы уақытта ел экономикасы елеулі өзгерістерге ұшырап, Салық кодексін реформалау күн тәртібіндегі басты тақырыпқа айналды. Мәселенің түп төркіні бюджет тапшылығының өсуінен бастау алып отыр. 2015 жылдардан кейін мемлекет қазынасы табыспен «толығыудың» орнына, шығындардың Ұлттық қор трансферттері есебінен өтелуі жалғасып келеді. ДБ пен ХВҚ мамандары бұл шетелдік инвестициялардың қысқаруына әсер етуі мүмкін деген болжам айтады. Өйткені бюджет тапшылығы мемлекеттік қарызды арттырып, инвесторлардың сол елдің қаржылық тұрақтылығына қатысты сенімін төмендетуі мүмкін.

→ 4

МАНАУРАҒАН АЛАТАУ

«Біз Алатау қаласында тұрамыз!». Мегаполистен қозы көш жердегі Жетіген ауылының тұрғындары былтырдан бері өз мекенжайын осылай нақтылап айтатын болған.



→ 7

ЦИФРЛЫ ТЕХНОЛОГИЯНЫҢ «СИҚЫРЛЫ» МҮМКІНДІГІ

Kelbet Til – оқушыларға шығарманы тереңірек талдауға, көкейдегі сауалдарына жауап алу арқылы сөздік қорын арттыруға, қазақ тілінен аналитикалық қабілеттерін нығайтуға мүмкіндік беретін сайт.



→ 8

